

福建通志

第拾捌冊
共壹百冊

福建郵驛志卷一

唐

唐驛政不可考惟三山志載宋之崇輶驛在南門內西舊置梁開平中翁承贊冊閩王審知於登庸門內是時已有驛又弘治興化志載宋之迎仙驛卽唐之待賓館太平驛卽楓亭館考唐待賓館取會昌沙汰沒入臨室院田租二十石以供館穀不足復更換白湖莊米穀添用

宋

宋承唐制三十里有驛非通途大道則曰館計程自福州省會始南出莆田北抵永嘉西達延平車旌之所宿會文檄之所往來求其安便迅駛而無阻絕沈滯之憂故更易廢置其制猶可得而考云

省會驛鋪

據三山志

城中使星館海晏門內街北舊爲使星驛迎仙館南禪寺東景祐間范亢造後爲轉運行衙崇輶驛南門內西舊置翁承贊冊閩王館於登庸門內

是時已有驛後爲東南第十將公廨如歸館威武軍門外西本修造務自
迎仙館廢始爲如歸館後爲醋庫改司戶廳皇華館還珠門外舊春風樓
淳熙十四年建西路迎恩館舊迎仙門內北有送客亭淳熙元年始置館
於門外之南爲迎御香及恩賜之所東門鋪東取州城半里西取土堰十
八里舊本州及南路遞角並從西門至建劔崇寧元年改由北門五年復
改由西門凡鋪有馬遞有步遞有急遞有供申有節級有鋪兵等若干人
又或設曹司添廂軍隨時隨地增減不一也土堰鋪西取葛崎鋪十八里
葛崎驛懷安縣北在芋原村置驛取州六十里後移此葛崎鋪西取陳湖
二十里陳湖鋪西取豐田二十里豐田鋪西取大瀨二十里大瀨驛侯官
保安里距城九十里大瀨鋪西取湯背三十里湯背鋪西取小箬二十五
里小箬驛閩清縣東北五里祥符間置小箬鋪西取嵩灘二十五里嵩灘
鋪北取常瀨二十五里常瀨鋪西取朱坑十五里高溪驛古田縣南九十
里水口鎮朱坑鋪西取使華二十里又十里至營頂使華亭地名黃田宣

和六年創營頂鋪西取南劍界首五里又八里至武步去金沙六十里金沙至南劍五十里南路橫山鋪州南九里取江南鋪十五里臨津館天聖五年章頻作館之西南隅勝合沙亭江南鋪南取方北十五里西峽北驛名濟川北館宣和六年置方北鋪南取方南隔江折二十里方南鋪南取大田鋪二十里西峽南驛宣和六年作舊方山驛移此大田鋪南取常思二十三里大義臨津驛河口渡次常思鋪福清南取太平七里太平驛福清西四十里太平鋪南取假面十七里按八閩通志驛之左有宏路姑假面鋪南取漁溪十八里漁溪驛漁溪鋪南取蒜嶺二十三里蒜嶺鋪南至莆田縣界三里至迎仙二十八里至興化軍五十里北西取建寧後路出州北門由沙溪別仕新藍雞某雪峯至古田縣鳴玉驛古田縣東紹興七年移縣西北通建驛縣北鎮安驛縣北地名孤鎮村西至建寧府七十里崇寧初廢西門路行北門五年以改路後雪峯一帶小嶺旣峻道旁絕少人家每鋪幾三十里或七八十里始至館驛實有未便其水口下雖有

倒羊猪棕等嶺然官員並行水驛獨鋪兵往來而已於是六驛十四鋪及古田縣西南至南劍一驛二鋪並行廢罷仍行西門路北取温州路出井樓門經四明亭盤石陟北嶺一路出井樓門經安國寺透馬溪抵北嶺下下湯嶺溫泉館距連江三十二里舊名湯泉驛淳熙元年重作因改名潘渡橋東取連江二十三里通羅源卽絕渡而北陀嶺驛北取羅源四明驛七十五里四明驛羅源縣南取飛泉驛四十里建炎三年置飛泉驛有渡熙寧七年置過官井洋百八十里達長溪鹽田元祐八年移置焦門賴紹興三十年以風濤險惡禁渡驛陸行出寧德縣寧川驛寧德縣南下孟驛長溪縣西北七十里渡至鹽田淮陸二十五里鹽田驛縣西三十里有渡溫麻驛縣海晏門內倒流溪驛飯溪驛縣東五十里有渡白林驛縣東北百里桐山驛去泗州驛二十五里

各屬驛鋪

八閩通志

弘治興化志

建州建安縣報恩鋪

赤岸鋪俱在登仙里莒口鋪在房村下浦城縣縣

下鋪在縣治南杓木鋪在縣北安樂里建陽縣東陽驛舊建於水南政和間遷於縣西麻沙里在永忠里崇安縣大安驛在縣西北石雄里

泉州南安康店驛在縣南三十六都舊爲大榮驛嘉定十四年縣令宋鈞建改今名同安縣大同驛在朝天門外魚孚驛在安民鋪之側惠安縣皇華驛在縣東郭太平興國閒創

南劔州金砂驛在州城東金砂里淳祐閒建王臺站在天竺里淳祐閒設順昌縣順興驛在縣治西

漳州龍溪縣迎春館在朝天門外通源驛在縣東二十八都漳浦縣仙雲驛在縣治西北臨水驛在城外西北龍巖縣新店鋪金山鋪和溪鋪按舊正德志宋在城舊有迎恩驛久廢其東路朝天門外有迎春驛又東行四十五里有通源驛南路百里至漳浦縣有仙雲驛又南行百九十里臨水驛路遠驛疎行人無所依託當時守郡君子往往酌量道里之中隨鋪立庵命僧主之以待過客且置田贍僧俾守庵焉於是南路十有三庵曰

木棉鋪庵甘棠鋪庵橫章鋪庵仙雲驛庵梅林庵無象庵黃土庵雲霄庵
徑心善護庵太悲鋪庵半沙鋪庵臨水庵竹林庵皆淳熙末郡守傅伯壽
創姪壅嗣爲守修其東路第二鋪曰鶴鳴庵郡守黃樸創始且置田以贍
過客及廩僧焉第三鋪有通源庵郡守方淙置亦贍以田第五鋪有龍江
庵又東出漳境爲泉州同安界有魚孚庵黃守樸重修並撥本州廢寺田
以贍之黃守申省郡乞諸庵僧道皆以甲乙住管以圖不朽省部劄付本
州從所申事理施行西路至龍巖縣有駐居驛登龍驛有仁會亭北路至
長泰縣有武安館使星館未聞設庵非要道也

汀州長汀縣臨汀驛在縣治東崇善坊淳熙開建寧化縣石牛驛在縣南
會同里端平開創連城縣縣下鋪在縣譙樓之左清流縣明溪驛在縣西
門元符開建

邵武軍邵武縣橫川水馬驛在軍治東百步許林墩馬驛在縣東六都光
澤縣杭川驛舊在惠濟坊熙寧開遷於縣治南儒學之右

興化軍東驛西驛在城迎仙驛在軍治北五十里太平驛在軍治西南六十三里北門鋪在軍城北百步本軍北路遞角並從望京門出瀨溪鋪在城南二十里本軍南路遞角並從望仙門出楓亭鋪南至太平驛三里仙遊縣華表館登瀛館林木鋪在縣東門二十里

興化縣皇華館平陂鋪在縣西二十五里

鋪兵鋪馬

元豐六年鄭居簡催刷本路軍器奏福建遞鋪未曾興置急腳兵士文字違滯今每鋪以十五人爲額內二名充急腳元祐元年減罷急腳兵士改作馬鋪贖數撥填廂軍至和二年知漳州章柬之以山徑險僻遞送轉見遲回乞抽收官馬差急腳兵士時本州有馬四十五匹並罷嘉祐二年知建州薛綸奏急腳兵士止傳送遞角使命經過州縣臨時借馬於人戶不無騷擾乞每鋪量置馬匹復罷急腳

元

元譯驛傳爲站赤凡站陸則以馬以牛或以驢或以車而水則以舟其給驛傳璽書謂之鋪馬聖旨遇軍務之急則又以金字圓符爲信銀字者次之內則掌之天府外則國人之爲長官者王之其官有驛令有提領又置脫脫禾孫於關會之地以司辨詰皆總之於通政院及中書兵部而站戶闕乏逃亡則又以時僉補且加振卹焉

各府驛鋪

福州路東驛西驛在府治西南至元閒以宋趙資政府爲在城驛元貞二年平章高興移今所爲東西二驛侯官縣小箬驛 白沙驛二驛在府城西北連江縣縣西鋪在縣治西羅崙鋪在清河里潘渡鋪 陳山鋪二鋪在光臨里陀嶺鋪 俞家鋪二鋪在清河里赤崎鋪在仁賢里 上六鋪俱縣西北丹陽鋪 東禪鋪二鋪在縣北中鵠里 以上九鋪至正十五年建福清縣宏路站在縣西善福里宋時建於太平鋪之左至元十六年徙建今所蒜嶺站在縣西南光賢里宋時建於漁溪市之南至元閒徙建

今所縣前鋪在縣治南五十步常思鋪 磨石鋪二鋪在方輿里太平鋪
高半鋪二鋪在修仁里 上五鋪俱縣西北金應鋪 玻璆鋪二鋪在
清遠里漁溪鋪在萬安里蘇溪鋪在安香里四鋪俱縣西南 以上九鋪
俱至正間建古田縣黃田驛在縣西二都宋名使華亭改今名水口驛在
縣南一都卽宋嵩溪驛

建寧路建安縣太平站在縣西南登仙里報恩鋪 赤岸鋪 莒口鋪三
鋪仍宋舊臨寧縣城西站在縣治西通涵門外敬客坊之右葉坊站在府
城西北豐樂里浦城縣縣前鋪仍宋舊建陽縣東陽驛 麻沙驛二驛仍
宋舊崇安縣崇安驛至元十六年建於挹清亭北大安驛仍宋舊興田驛
在縣南豐陽里黃亭街

泉州路清源站在府治西肅清門內卽宋之貢院改爲站同安縣同安驛
卽宋大同驛魚亭驛仍宋舊移建於縣西南十五都惠安縣龍山驛宋爲
皇華驛元貞閒遷於縣治西南一里許改今名龍山站

邵武路邵武縣樵川水驛宋建於縣治東至元二十三年徙建於城外紫雲溪北林墩馬驛仍宋舊拿口驛在縣東二十二都光澤縣杭川驛仍宋舊杉關驛在大寺寨巡檢司之右元統元年建至正二十年燬於兵

南劍路茶洋驛即宋金沙驛王臺驛仍宋舊將樂縣三華站在縣治右至正間建白蓮站在縣東南至元元年建

汀州路長汀縣臨汀驛仍宋舊館前站在府城東歸陽里至正二十二年建寧化縣石牛驛仍宋舊

漳州路丹霞驛仍宋舊至正間徙於府治之東龍溪驛江東馬驛即宋通源驛丹棠驛在縣南至正二十五年建漳浦縣臨漳馬驛即宋仙雲驛雲霄驛在縣南六都臨水驛仍宋舊南靖縣縣前鋪

鋪馬聖旨

至元十九年四月詔給各處行省鋪馬聖旨泉州行省五道十月增給十道二十年增各省及轉運司宣慰司鋪馬聖旨福建行省十道二十一年

增給各處鋪馬劄子福建行省所轄路分七處每處二道司農司五道二十五匹
十五年福建行省增給劄子六道三十一年給福建運司鋪馬聖旨起馬五匹

圓牌

至元二十三年福建東京兩行省各給圓牌二面

站官

至元二十八年六月隨處設站官二員司吏二名祇應頭目攢典各一名
站戶及百者設百戶一名七月詔各路府州縣達魯花赤長官依軍戶例
兼管站赤與魯非奉通政院明文不得擅科差役七年詔腹裏江南漢地
站赤依舊制命各路達魯花赤總管提調州縣官勿得預

站戶

至元十九年詔南方驗田糧及七十石者准當站馬一匹二十五年命南方
站戶以糧七十石出馬一匹爲則或十石之下八九戶共之或二三十

石之上兩三戶其之免其一切雜泛差役若有納糧百石之下七十石之上自請獨當站馬一匹者聽之二十年留守司官言初立急遞鋪時取不能當差貧戶除其差發充鋪兵又不敷者於漏籍戶內貼補今富人規避差發永充鋪兵乞擇其富者命充站戶站戶之貧者卻充鋪兵從之三十年六月江浙行省言各路遞運站船若止以六戶供船一艘力寡不能當役請令自六戶之上或至十戶通融僉撥從之

分例

至元二十一年定增使臣分例正使宿頓支米一升麪一觔羊肉一觔酒一升柴一束油鹽雜支增鈔二分通作三分經過減半從者每名支米一升經過減半

祇待

大德八年正月御史臺臣言各處站赤合用祇應官錢所在官司依時撥降令各站提領收掌祇待毋得科配小民詔都省定議行之十年從江浙

省言命站官仍領祇待選站戶有餘糧者以充庫子止設一名上下半年更代就准本戶里正主首身役

急遞鋪

世祖時詔每驛置鋪丁五人各處縣官置文簿一道付鋪遇有轉遞文字注名件到鋪時刻及所轄轉遞人姓名本縣官司時復點刷稽滯者治罪其文字本縣官司絹袋封記以牌書號仍將本管地境置立鋪驛卓望地名遞相傳報鋪兵一晝夜行四百里至治二年令各處急遞鋪每十鋪設一郵長凡鋪卒皆腰革帶懸鈴持槍挾雨衣賣文書以行夜則持炬火道狹則車馬者負荷者聞鈴避諸旁夜亦以驚虎狼也響及所之鋪則鋪人出以俟其至囊板以護文書展轉送去

而交垂馬元

第

本

總卷十一

福建郵驛志卷二

明

洪武二十六年定凡馬驛設置馬驢不等如衝要去處或設馬八十匹六十匹三十匹其餘雖非衝要亦繫經行道路或設馬二十匹十四匹五匹大率上馬一匹該糧一百石中馬一匹該糧八十石下馬一匹該糧六十石其僉點人戶先儘各驛附近去處僉點如果不敷許於相鄰府縣點差如一戶糧數不及百石者許眾戶輾數共當一夫其收買馬匹鞍轡羶衫雜物驛夫各照田糧驗數出備凡水驛設船不等如使客行正路或設船二十隻十五隻十隻其分行偏路亦設船七隻五隻大率每船該設水夫十名於有司人戶納糧五石之上十石之下點充不拘一戶二戶相合俱驗所該糧輪流應當

各屬驛鋪

福州府三山驛在府治西南卽元之東驛三山遞運所在府治西南三山

驛前少東閩縣大田驛在府城南西集里橫山鋪在嘉崇里江南鋪在時
昇里白湖鋪在光德里龍卧鋪在開化里方北鋪 圓屯鋪二鋪在永福
里方南鋪 闕鋪 梁山鋪在積善里大田鋪在西集里義溪鋪 尤糗
鋪以上十二鋪俱府城南侯官縣小箬驛 白沙驛二驛仍元舊城西鋪
在西關廂陳湖鋪在三十五都葉洋鋪 白沙鋪在二十四都馬坑鋪在
三十四都大瀨鋪 松嶺鋪在十九都豐田鋪在三十四都湯池鋪在二
十三都小箬鋪在三十四都橫路鋪 嵩灘鋪在二十五都 以上十二
鋪俱在府城西北懷安縣芋原驛在懷安遞運所之西北一都懷安遞運
所在府城西南一都卽舊縣治也洪武十二年縣治移入府城遂爲遞運
所總鋪在布政司譙樓內之東洪武初建梅亭鋪 土堰鋪二鋪在二都
游崎鋪在十二都葛崎鋪在十四都鐵嶺鋪在十五都 以上六鋪俱府
城西來宜鋪在二都北嶺鋪在三都官溪鋪在四都任溪鋪在五都 上
四鋪俱府城東北長樂縣總鋪在縣治之西沙逕鋪在十都沙頭鋪在十